

32

四庫全書

易經部

三十六類

出版社 古籍出版社 上海

四庫

全書

第三二册

# 四庫全書

● 上海古籍出版社

本冊目次

周易集首註

讀易紀聞

明張獻翼撰……四二九  
明葉山撰……五八五

葉八白易傳

欽定四庫全書

經部

周易集註

易類

提要

欽定四庫全書

經部

周易集註卷首上

臣等謹案周易集註十六卷明來知德撰知

德字矣鮮梁山人嘉靖壬子舉人萬曆三十

年總督王象乾巡撫郭子章薦授翰林待詔

知德以老疾辭詔以所授官至任事迹具明

史儒林傳知德自鄉舉之後即移居萬縣深

欽定四庫全書

周易集註

山中精思易理自隆慶庚午至萬曆戊戌閱

二十九年而成此書其立說專取繫辭中錯

綜其數以論易象而以雜卦治之錯者陰陽

對錯如先天圓圖乾錯坤坎錯離八卦相錯

是也綜者一上一下如屯蒙之類本是一卦

在下為屯在上為蒙載之文王序卦是也其

論錯有四正錯有四隅錯論綜有四正綜有

四隅綜有以正綜隅有以隅綜正其論象有

詳校官太常寺少卿臣陳桂森  
通政使司副使臣董曉叢覆勘

總校官檢討臣何愚鈞

校對官編修臣何循

膳錄監生臣章榮基

卦情之象有卦畫之象有大象之象有中爻

之象有錯卦之象有綜卦之象有爻變之象

有占中之象其註皆先釋象義字義及錯綜

義然後訓本卦本文正義皆由冥心力索得

其端倪因而參互旁通自成一說當時推為

絕學然上下經各十八卦本稅與權之舊說

而所說中爻之象亦即漢以來互體之法特

知德縱橫推闡專明斯義較先儒為詳盡耳

其自序乃高自位置至謂孔子沒後而易亡  
二千年有如長夜豈非伏處村塾不盡覩遺  
文秘籍之傳不盡聞老師宿儒之論師心自  
悟偶有所得遽夜郎自大哉故百餘年來信  
其說者頗多攻其說者亦不少然易道淵深  
包羅衆象隨得一隙而入皆能宛轉闡通有  
所闡發亦不必盡以支離繁碎斥也乾隆四  
十六年九月恭校上

周易集註原序

乾坤者萬物之男女也男女者一物之乾坤也故上經首乾坤下經首男女乾坤男女相為對待氣行乎其間有往有來有進有退有常有變有吉有凶不可為曲要此易所由名也盈天地間莫非男女則盈天地間莫非易矣伏羲象男女之形以畫卦文王繫卦下之辭又序六十四卦其中有錯有綜以明陰陽變化之理錯者交錯對待之名陽左而陰右陰左而陽右也綜者高低織綸之名陽上而陰下陰上而陽下也雖六十四卦止乾坤坎離大過頤小過中孚八卦相錯其餘五十六卦皆相綜而為二十八卦並相錯八卦共三十六卦如屯蒙之類雖屯綜乎離蒙綜乎坎本是二卦然一上一下皆二陽四陰之卦乃一卦也故孔子雜卦曰屯見而不失其居蒙雜而著是也故上經止十八卦下經止十八卦周公立爻辭雖曰兼三才而兩之故六亦以陰陽之氣皆極于六天地間窮上反下循環無端者不過此六而

已此立六爻之意也孔子見男女有象即有數有數即有理其中之理神妙莫測立言不一而足故所繫之辭多于前聖孔子沒後儒不知文王周公立象皆藏于序圖求駿自王弼掃象以後註易諸儒皆以象失其傳不言其象止言其理而易中取象之旨遂塵埋于後世本朝纂修易經理大全雖會諸儒衆註成書然不過以理言之而已均不知其象不知文王序卦不知孔子雜卦不知後儒卦變之非于此四者既不知則易不得其門而入不得其門而入則其註疏之所言者乃門外之粗淺非門內之奧妙是自孔子沒而易已亡至今日矣四聖之易如長夜者二十餘年不其可長歟也哉夫易者象也象也者像也此孔子之言也曰像者乃事理之彷彿近似可以想像者也非真有實事也非真有實理也若以事論金豈可為車玉豈可為鉉若以理論虎尾豈可履左腹豈可入易與諸經不同者全在于此如禹

謨曰惠迪吉從逆凶惟影響是真有此理也如泰誓曰  
惟十有三年春大會于孟津是真有此事也若易則無  
此事無此理惟有此象而已有象則大小遠近精粗干  
蹊萬徑之理咸寓乎其中方可彌綸天地無象則所言  
者止一理而已何以彌綸故象猶鏡也有鏡則萬物畢  
照若舍其鏡是無鏡而索照矣不知其象易不註可也  
又如以某卦自某卦變者此虞翻之說也後儒信而從  
之如訟卦剛來而得中乃以為自遯卦來不知乃綜卦  
用易集註

欽定四庫全書

用易集註

也需訟相綜乃坎之陽爻來于內而得中也孔子贊其  
為天下之至變正在于此蓋乾所屬綜乎坤坎所屬綜  
乎離艮所屬綜乎巽震所屬綜乎兌乃伏羲之八卦一  
順一逆自然之對待也非丈王之安排也惟需訟相綜  
故雜卦曰需不進也訟不親也若遯則綜大壯故雜卦  
曰大壯則止遯則退也見于孔子雜卦傳昭昭如此而  
乃曰訟自遯來失之千里矣此所以謂四聖之易如長  
夜者此也

德

生去孔子二千餘年且賦性愚劣又居僻

地無人傳授因父母病侍養未仕乃取易讀于釜山草  
堂六年不能窺其毫髮遂遠客萬縣求溪深山之中沉  
潛反復忘寢忘食有年思之思之鬼神通之數年而悟  
伏羲文王周公之象又數年而悟文王序卦孔子雜卦  
又數年而悟卦變之非始于隆慶四年庚午終於萬曆  
二十六年戊戌二十九年而後成書正所謂因而知之  
也既悟之後始知易非前聖安排穿鑿乃造化自然之  
妙一陰一陽內之外之橫之縱之順之逆之莫非易也  
用易集註

欽定四庫全書

用易集註

始知至精者易也至變者易也至神者易也始知繫辭  
所謂所居而安者易之序也錯綜其數非中爻不備二  
與四同功三與五同功數語及作說卦序卦雜卦于十  
翼之末孔子教後之學易者亦明白親切但人自不察  
惟篤信諸儒之註而不留心詳審孔子十翼之言宜乎  
又畫八卦所屬相錯圖又畫八卦六爻變自相錯圖又

畫八卦次序自相綜圖又畫八卦所屬自相綜文王序

卦正綜圖又畫八卦四正四隅相綜文王序卦雜綜圖

又發明八卦正位及上下經篇義並各字義又發明六

十四卦啓蒙又考定繫辭上下傳又補定說卦傳以廣

八卦之象又改正集註分卷又發明孔子十翼其註先

訓釋彖義守義及錯綜義後加一闡方訓釋本卦本文  
正意象數言于前義理言于後其百家註易諸儒雖不  
知其象不知序卦雜卦及卦變之非止言其理若干言

欽定四庫全書

周易集註

序

欽定四庫全書

周易集註卷首上

明 来知德 撰

上下經篇義

上經首乾坤者陰陽之定位萬物之男女也易之數也

對待不移者也自乾坤歷山蒙需訟師比小畜履十卦  
陰陽各三才畫則六十矣陽極于六陰極于六至此乾  
坤變矣故坤綜乾而為泰乾綜坤而為否泰否者乾坤

欽定四庫全書

周易集註

卷首上

上下相綜之卦也乾坤既迭相否泰則其間萬物吉凶

名曰周易集註庶讀易者開卷豁然可以少窺四聖宗  
廟百官于萬一矣孔子曰蓋有不知而作之者我無是  
也孟子曰子豈好辯哉子不得已也聖賢立言不容不  
自任類如此德因四聖之易千載長夜乃將慕修性理  
大全去取于其間更附以數年所悟之象數以成明時  
一代之書是以忘其愚陋改正先儒註疏之僭妄未暇  
論及云瞿塘來知德撰

消長進退存亡不可悉紀自同人以下至大畜無非否  
泰之相推無否無泰非易矣水火者乾坤所有之物皆  
天道之體也無水火則乾坤為死物故必山澤通氣雷  
風相薄而後乾坤之水火可交順大過者山澤雷風之  
卦也頗有離象大過有坎象故上經首乾坤必乾坤厯  
否泰至順大過而後終之以坎離下經首咸恒者陰陽  
之文感一物之乾坤也易之氣也流行不已者也自咸

恒厯遯大壯晉明夷家人睽蹇解十卦陰陽各三十畫則六十矣陽極于六陰極于六至此男女變矣故咸之男女綜而為損恒之男女綜而為益損益者男女上下相綜之卦也男女既迭相損益則其間萬事吉凶消長進退存亡不可悉紀自夬以下至節無非損益之相推無損無益非易矣既濟未濟者男女所交之事皆人道

也用也無既濟未濟則男女為死物故必山澤通氣雷風相薄而後男女之水火可交中孚小過者山澤雷風

之卦也中孚有離象小過有坎象故下經首咸恒必咸

恒厯損益至中孚小過而後終之以既濟未濟要之天道之體雖以否泰為主未必無人道人道之用雖以損益為主而未必無天道上下經之篇義蘊蓄其妙至此若以卦爻言之上經陽爻八十六陰爻九十四陰多于陽者凡八下經陽爻一百有六陰爻九十有八陽多于陰者亦八上經陰多于陽下經陽多于陰皆同八焉是卦爻之陰陽均平也若以綜卦兩卦作一卦論之上經

十八卦成三十卦陽爻五十二陰爻五十六陰多於陽者凡四下經十八卦成三十四卦陽爻五十六陰爻五十二陽多於陰者亦四上經陰多於陽下經陽多於陰皆同四焉是綜卦之陰陽均平也上下經之篇義卦爻其精至此孔子贊其至精至變至神厥有由矣

易經字義

象

卦中立象有不拘說卦乾馬坤牛乾首坤腹之類者有自卦情而立象者如乾卦本馬而言龍以乾道變化龍乃變化之物故以龍言之朱子語錄或問卦之象朱子曰便是理會不得如乾為馬而說龍如此之類皆不通殊不知以卦情立象也且荀九家亦有乾為龍又如咸卦艮為少男兌為少女男女相感之情莫如年之少者

欽定四庫全書

周易集注

卷

欽定四庫全書

周易集注

五

故周公立爻象曰坤曰腓曰股曰憧憧曰晦曰輔頰舌一身皆感焉蓋艮止則感之專兌悅則應之至是以四體百骸從拇而上自舌而下無往而非感矣此則以男女相感之至情而立象也又如豚魚知風鶴知秋雞知旦三物皆有信故中孚取之亦以卦情立象也又如漸取鴻者以鴻至有時而羣有序不失其時不失其序于漸之義為切且鴻又不再偶子文王卦辭女歸之義為切此亦以卦情立象也有以卦畫之形取象者如剝言

定言牀言廬者固五陰在下列于兩旁一陽覆于其上如宅如牀如廬此以畫之形立象也鼎與小過亦然又有卦體大象之象凡陽在上者皆象艮巽陽在下者皆象震兌陽在上下者皆象離陰在上下者皆象坎如益象離故言龜大過象坎故言棟頤亦象離故亦言龜也又如中孚君子以議獄緩死亦取噬嗑火雷之意以中孚大象離而中爻則雷也故凡陽在下者動之象在中者臨之象在上者止之象凡陰在下者入之象在中者

麗之象在上者說之象又有以中爻取象者如漸卦九三婦孕不育以中爻二四合坎中滿也九五三歲不孕以中爻三五合離中虛也有將錯卦立象者如履卦言虎以下卦兌錯艮也有因綜卦立象者如井與困相綜巽為市邑在困為兌在井為巽則改為邑矣有即陰陽而取象者如乾為馬本象也坎與震皆得乾之一畫亦言馬坤為牛本象也離得坤之一畫亦言牛皆其類也有相因而取象者如革卦九五言虎者以兌錯艮艮為

虎也上六即以豹言之豹次于虎故相因而言豹也故

其象多是無此事此理而止立其象如金車玉鉉之類  
金豈可為車玉豈可為鉉蓋雖無此事此理而爻內有  
此象也朱子語錄云卦要看得親切須是爻象者但象  
失其傳了殊不知聖人立象有卦情之象有卦畫之象  
有大象之象有中爻之象有錯卦之象有綜卦之象有  
爻變之象有占中之象正如釋卦名義有以卦德釋者  
有以卦象釋者有以卦體釋者有以卦綜釋者即此意  
欽定四庫全書

也所以說擬諸其形容象其物宜但形容物宜可擬可  
象即是象矣自王弼不知文王序卦之妙掃除其象後  
儒泥滯說卦所以說象失其傳而不知未失其傳也善  
乎蔡氏曰聖人擬諸其形容而立象至織至悉無所不  
有所謂其道甚大百物不廢者此也其在上古尚此以

制器其在中古觀此以繫辭而後世之言易者乃曰得

意在忘象得象在忘言一切指為魚兔筌蹄殆非聖人  
作易前民用以教天下之意矣此言蓋有所指而發也

錯

錯者陰與陽相對也父與母錯長男與長女錯中男與  
中女錯少男與少女錯八卦相錯六十四卦皆不外此  
錯也天地造化之理獨陰獨陽不能生成故有剛必有  
柔有男必有女所以八卦相錯八卦既相錯所以象即

寓于錯之中如乾錯坤乾為馬坤即利牝馬之貞履卦  
兌錯艮艮為虎文王即以虎言之又睽卦上九純用錯卦師卦王三

九五爻亦以虎言之又睽卦上九純用錯卦師卦王三

錯命純用天火同人之錯皆其證也又有以中爻之錯  
言者如小畜言雲因中爻離錯坎故也六四言血者坎  
為血也言惕者坎為加憂也又如艮卦九三中爻坎爻  
辭曰薰心坎水安得薰心以錯離有火煙也

綜字之義即織布帛之絲或上或下顛之倒之者也如  
乾坤坎離四正之卦則或上或下巽兌艮震四隅之卦  
則巽即為兌艮即為震其卦名則不同如屯蒙相綜在

屯則為雷在蒙則為山是也如履小畜相綜在履則為澤在小畜則為風是也如損益相綜損之六五即益之六二特倒轉耳故其象皆十朋之龜夬姤相綜夬之九四即姤之九三故其象皆譽無膚綜卦之妙如此非山中研窮三十年安能知之宜乎諸儒以象失其傳也然文王序卦有正綜有雜綜如乾初爻變姤坤逆行五爻變夬與姤相綜所以姤綜夬遯綜大壯否綜泰觀綜臨利綜復所謂乾坤之正綜也八卦通是初與五綜二與四綜三與上綜雖一定之數不容安排然陽順行而陰逆行與之相綜造化之玄妙可見矣文王之序卦不其神哉即陽未順行生亥死午陰未逆行生午死亥之意若乾坤所屬尾二卦晉大有需比之類乃術家所謂遊魂歸魂出于乾坤之外者非乾坤五爻之正變故謂之雜綜然乾坤水火四正之卦四正與四正相綜艮巽震兌四隅之卦四隅與四隅相綜雖雜亦不雜也八卦既相綜所以象即寓于綜之中如噬嗑利用獄賁乃相綜

欽定四庫全書

周易集解

欽定四庫全書

周易集解

之可上可下者以其流行不常耳故讀易者不能悟文王序卦之妙則易不得其門而入既不入門而宮牆外望則改邑不改井之玄辭其人天且劓之險語不知何自而來也噫文王不其繼伏羲而神哉

變者陽變陰陰變陽也如乾卦初變即為姤是就于本卦變之宋儒不知文王序卦如屯蒙相綜之卦本是一卦向上成一卦向下成一卦詳見前伏羲文王錯綜圖如訟之剛來而得中乃卦綜也非卦變也以為自遯卦變來非矣如姤方是變卦變玄之又玄妙之又妙蓋爻一動即變如漸卦九三以三為夫以坎中滿為婦孕及三爻一變則陽死成坤離絕夫位故有夫征不復之象

既成坤則並坎中滿通不見矣故有婦孕不育之象又如歸妹九四中爻坎月離日期之象也四一變則純坤而日月不見矣故愆期豈不玄妙

中爻

中爻者二三四五所合之卦也繫辭第九章孔子言甚詳矣大抵錯者陰陽橫相對也綜者陰陽上下相顛倒也變者陽變陰陰變陽也中爻者陰陽內外相連屬也周公作爻辭不過此錯綜變中爻四者而已如離卦居

欽定四庫全書

周易集解

卷首上

欽定四庫全書

周易集解

卷首上

三同人曰三歲未濟曰三年既濟曰三年明夷曰三日皆以本卦三言也若坎之三歲困之三歲解之三品皆離之錯也漸之三歲巽之三品皆以中爻合離也豐之三歲以上六變而為離也即離而諸爻用四者可知矣孔子韋編三絕于陰陽之理悅心研慮已久故于圓圖看出錯字于序卦看出綜字所以說錯綜其數又恐後人將序卦一連不知有錯綜二體故雜亂其卦惟令二體之卦相連如乾剛坤柔比樂師憂是也又說出中爻

宋儒不知乎此將孔子繫辭所居而安者文王之序卦所樂而玩者周公之爻辭認序字為卦爻所著事理當然之次第故自孔子沒而易已亡至今日矣

周易集註改正分卷圖

上經分卷

共十八卦相綜者兩卦止作一卦相錯者一卦自

為一卦此即文王序卦

一卷 乾 坤

二卷 坎蒙

需訟

三卷 师比

小畜

四卷 同人 大有

履 謙豫

泰否

欽定四庫全書

周易集註

卷首上

五卷 临觀

噬嗑

六卷 大壯

頤 大過

坎 離

下經分卷

共十八卦此即文王序卦

七卷 恒

遯

晉 明夷

八卷 家人

蹇解

損益

九卷 夬姤

萃升

困井

十卷 革鼎

震艮

十一卷

漸

豐旅

巽兌

十二卷

渙節

中孚

小過

既濟未濟

右舊分卷前儒不知文王立序卦之意止以為上下篇之次序取其多寡均平乃以屯附坤需附蒙小畜附比泰附復謙附大有隨附豫噬嗑附觀剝附賁頤附大畜坎附大過遯附恒晉附井震附鼎深失文王立序卦之意矣今依孔子

附觀剝附賁頤附大畜坎附大過遯附恒晉附井震附鼎深失文王立序卦之意矣今依孔子

附觀剝附賁頤附大畜坎附大過遯附恒晉附

附觀剝附賁頤附大畜坎附大過遯附恒晉附

欽定四庫全書

周易集註

卷首上

十三卷

繫辭上傳

十四卷

繫辭下傳

十五卷

說卦傳

序卦傳 雜卦傳

十六卷

考定繫辭上下傳

補定說卦傳

來 翟曰大哉乾元至哉坤元此贊乾坤之彖二翼也  
知 翟曰屯剛柔始爻而難生此解卦辭之彖二翼也  
德 象曰天行健地勢坤此教人學易之大象三翼也  
發 潛龍勿用陽在下也此解爻辭之小象四翼也

明文言五翼也

孔上繫六翼也

子下繫七翼也

十說卦八翼也

翼序卦九翼也

圖雜卦十翼也

此之謂十翼

欽定四庫全書

周易集註

卷首上

西

易註雜說諸圖總目

梁山來知德圓圖

伏羲六十四卦圓圖

伏羲八卦方位

文王八卦方位

伏羲文王錯綜圖

孔子太極生兩儀四象八卦圖

欽定四庫全書

周易集註

卷首上

東

來知德八卦所屬相錯圖

來知德八卦六爻變自相錯圖

來知德八卦次序自相錯圖

來知德八卦所屬相綜文王序卦正綜圖

來知德八卦四正四隅相綜文王序卦雜綜圖

來知德八卦正位圖

來知德上下經篇義

來知德易經字義

卷錯綜變中文

來知德易學六十四卦啟蒙


來知德考定繫辭上下傳補定說卦傳

來知德周易集註改正分卷圖

來知德發明孔子十翼圖

圖

對待者數



流行者氣

主宰者理

欽定四庫全書

周易集註

卷之二

此聖人作易之原也。理氣象數陰陽，老少往來進退，常變吉凶，皆尚乎其中。孔子繫易首章至易簡而天下之理得，及一陰一陽之謂道，易有太極形上形下，數篇以至幽贊于神明，一章卒歸于義。命皆不外此。圓神而明之一部易經，不在四聖而在《我》矣。或曰：伏羲文王有圖矣，而復有此圖何耶？德曰：不然。伏羲有圖文王之圖，不同于伏羲。豈伏羲之圖差耶？蓋伏羲之圖易之對，文王之圖易之流行而德之圖不立。

文字以天地間理氣象數不過如此此則兼對待流  
行主宰之理而圖之也故圖于伏羲文王之前

